

2135. fundur stjórnar Knattspyrnusambands Íslands var haldinn mánudaginn 9. september 2013 á Laugardalsvelli og hófst kl. 16.00

Mættir: Geir Þorsteinsson, Gylfi Þór Orrason, Guðrún Inga Sívertsen, Gísli Gíslason, Róbert Agnarsson, Rúnar Arnarson, Ragnhildur Skúladóttir, Vignir M. Þormóðsson, Jóhannes Ólafsson, Jóhann Torfason og Þórarinn Gunnarsson.
Geir Þorsteinsson formaður ritaði fundargerð.

Forföll: Lúðvík S. Georgsson.

Þetta var gjört:

Dagskrá:

1. Fundargerð síðasta fundar

Fundargerð síðasta fundar var lögð fram og samþykkt

2. Mótamál

- Íslandsmót 2013. Formaður mótanefndar, Róbert Agnarsson, greindi frá gangi mála á Íslandsmótum. Mótahaldið hefur að mestu gengið skv. áætlun. Stjarnan hefur þegar tryggt sér Íslandsmeistaratitil í meistaraflokki kvenna, Pepsi-deild, og verður bikarinn afhentur á heimavelli liðsins í síðasta heimaleik þess sunnudaginn 15. september.
- Úrslitakeppnir – verðlaunaafhendingar. Fjölmargar verðlaunaafhendingar eru um komandi helgi og munu stjórnar- og nefndarmenn skipta með sér afhendingum.
- Evrópukeppni kvenna. Þór/KA dróst gegn FK Zorkiy frá Rússlandi í 32 liða úrslitum og fer fyrri leikur fram á Akureyri miðvikudaginn 9. október.
- Aga – og úrskurðarmál.

Í samræmi við reglugerð KSÍ um aga-og úrskurðarmál, grein 13.9.5, ákvað Aga- og úrskurðarnefnd KSÍ á fundi sínum 10. september 2013 að sekta Knattspyrnudeild KV um kr. 25.000.- vegna ummæla Jóns Kára Eldon, leikmanns KV.

Aga- og úrskurðarnefnd hefur úrskurðað í máli Vatnaliljanna gegn Ými vegna leik félaganna í 4. deild karla C riðli sem fram fór 24. ágúst síðastliðinn. Kært var á grundvelli þess að um ólöglega skipað lið væri um að ræða.

Í úrskurðarorðum kemur m.a. fram að Vatnaliljunum skuli dæmdur 0 - 3 sigur og skal Ýmir greiða 5.000 krónur í sekt.

Aga- og úrskurðarnefnd hefur úrskurðað í máli Tindastóls gegn Gróttu í leik félaganna í 3. flokki karla 7 manna sem fram fór 15. ágúst síðastliðinn. Kært var á grundvelli þess að um ólöglega skipað lið væri um að ræða hjá Gróttu.

Í úrskurðarorðum kemur fram að Tindastóli skuli dæmdur sigur, 0 - 3, og Gróttu skuli greiða 5.000 krónur í sekt.

3. Ársþing 2014

Ársþing KSÍ 2014 verður haldið á Akureyri laugardaginn 15. febrúar nk.

4. Samninga – og félagaskiptanefnd

- Skipan fulltrúa í nefndina. Stjórn samþykkir að veita formanni heimild til þess að skipa tímabundið fulltrúa í samninga – og félagaskiptanefnd vegna vanhæfni fulltrúa í tilteknu málefni sem liggur fyrir nefndinni.

5. Dómaramál

- Dómaraskipti. Íslenskir dómarar verða við störf í Noregi og Svíþjóð í september en þetta er hluti af norrænum dómaraskiptum knattspyrnusambanda Norðurlandanna.
Sunnudaginn 8. september dæmdi Vilhjálmur Alvar Þórarinsson leik Strömmen og Ullensaker/Kisa í norsku 1. deildinni. Annar aðstoðardómara

Vilhjálmur í þessum leik var Bryngeir Valdimarsson. Föstudaginn 13. september mun svo Valdimar Pálsson dæma leik GAIS og Värnamo í sænsku "Superettan" deildinni sem er næst efsta deild þar í landi. Með Valdimar í þessum leik verður Ásgeir Þór Ásgeirsson annar aðstoðardómara.

6. A landslið karla

- Vináttuleikur
Ísland – Færeyjar 14. ágúst. Leiknum lauk með 1-0 sigri Íslands.
- Undankeppni HM 2014
Sviss – Ísland 6. september. Leiknum lauk með 4-4 jafntefli.
Ísland – Albanía 10. september. Leikið verður á Laugardalsvelli og hefst leikur kl. 19:00. Uppselt er á leikinn.

7. A landslið kvenna

- Ráðning þjálfara. Freyr Alexandersson hefur verið ráðinn sem þjálfari A landsliðs kvenna og hefur hann þegar hafið störf.
- Undankeppni HM 2015
Ísland – Sviss 26. september. Leikurinn fer fram á Laugardalsvelli og hefst kl. 18:30.

8. U21 karla

- Undankeppni EM 2015
Ísland – Hvíta Rússland 14. ágúst. Leiknum lauk með 4-1 sigri Íslands.
Ísland – Kasakstan 10. september. Leikurinn fer fram á Kópavogsvelli og hefst kl. 16:00.

9. Yngri landslið

- U19 karla
Vináttuleikir við Skotland 3. og 5. september. Jafntefli 1-1 var í fyrri leik liðanna en Ísland vann seinni leikinn 3-0.
Svíþjóðarmót 17. – 21. september. Noregur, Slóvakía og Svíþjóð leika á mótinu ásamt Íslandi.
- U19 kvenna
Undankeppni EM 2014 í Búlgaríu 21. – 26. september. Ísland leikur í riðli með Frakklandi, Slóvakíu og Búlgaríu.
- U17 karla
Undankeppni EM 2014 í Rússlandi 21. – 26. september. Ísland leikur í riðli með Rússlandi, Slóvakíu og Aserbaídsjan.
- U17 kvenna
Milliriðill EM 2014 í Rúmeníu 30. sept – 5. október. Ísland leikur í riðli með Rúmeníu, Spáni og Írlandi.
- Úrtaksæfingar U15 karla. Úrtakshópur hefur verið valinn yfir æfingar hjá U15 karla og fara æfingarnar fram í Kórnum. Þessar æfingar eru liður í undirbúningi fyrir undankeppni Ólympíuleika ungmenna en þar munu fjórar þjóðir, Ísland, Finnland, Armenía og Moldóva, keppa um eitt sæti. Ólympíuleikar ungmenna fara svo fram í Nanjing í Kína, dagana 16. - 28. ágúst 2014.

10. UEFA

- TEP fundur í Dubrovnik. Formaður og framkvæmdastjóri munu sækja fund UEFA í Dubrovnik dagana 17. og 18. september nk.

11. Önnur mál

- Ráðstefna norrænna mannvirkjanefnda. Ráðstefnan verður haldin á Íslandi dagana 12. – 13. september nk. Mannvirkjanefnd og starfsmaður hennar skipuleggja ráðstefnuna en gestir ráðstefnunnar utan fulltrúa Norðurlanda eru Stephen Baker og Stuart Larman frá FIFA.
- Starfsmannamál á skrifstofu. Framkvæmdastjóri gerði grein fyrir fyrirhugaðri ráðningu Hilmaris Þórs Guðmundssonar á skrifstofu KSÍ. Hilmar er ætlað að



sinna kynningar- og markaðsmálum og vera tengiliður við aðildarfélög og samstarfsaðila.

- Viðræður við ÍTF. Formaður greindi frá viðræðum á milli KSÍ og ÍTF vegna samkomulags aðila á milli.

Fleira ekki gert og fundi slitið kl. 18.00